

第十三册

黃桂草堂醫案

黃澹翁醫案

診金卷附錄

也是山人醫案

龍心入家醫案

氏國醫案

醫案

案

案

案

原
书
缺
页

原
书
缺
页

病未用清藥。陽明熱極。胃家實之病也。非下不可。乃與調胃承氣湯。合三黃石膏湯。去麻黃。豆豉。加犀角。蘆仁。接服兩劑。竟未得下。惟矢氣極臭。洩色若血。神識較清。而身熱舌黑如故。原方去元明粉。大黃。加鮮生地。並令恣飲梨汁。菜菔汁。於是熱減神清。黑苔漸退。脈息亦較平。時吐粘痰。目睛轉黃。遂改用小陷胸湯。加蘆根。茅根。青蒿。菖蒲。竹茹。貝母。冬瓜仁。木通。等芳香清冽之品。以分消膈中痰熱。接服四劑。胸部頸項間遍出白瘡。如水晶珠。腹部腿畔亦發白瘡。於是身熱全清。知饑進粥。但精神疲弱耳。復以西洋參。麥冬。石斛。苡仁。貝母。竹茹。枇杷葉。等調養數日。始解黑燥屎數次。當時兩進大黃。而不下者。蓋其戚友中有知醫者。潛將大黃減去一錢。每劑祇用二錢。故但有解毒之功。而無攻下之力。而奏效亦較緩也。然究勝於粗工之濫用硝黃。而僨事者矣。姚某子十五歲。三月間由學校歸家。自覺惡寒欲睡。旋即發熱頭痛。身痛譫語。不能識人。按其脈滑數。洩赤。當以梔豉湯銀翹散出入爲方。下午四時復診。神昏譫語如故。身熱自汗。漉漉然不止。面赤口渴。欲飲水。脈息滑而不數。舌苔薄膩。不黃不燥。因思傷寒論云。陽明病。發熱汗多者急下之。而面赤神昏又皆當下之症。遂改用小承氣湯。大黃三錢。厚朴五分。枳殼二錢。加黃芩。連翹。知母。各二錢。服後解大便兩次。神清安睡。汗止熱解。自能起坐。知饑欲食。其家以爲病愈。不復延診。越三日復發熱有汗。口渴脈滑數。與白虎合小陷胸湯。石膏用三錢。服後熱退神清。惟效嗽痰中帶血而已。復與瀉白散加黃芩。知母。茅根。等二劑全愈。

張兆魁君室人。年約三旬。體質瘦小。發熱譫語。口渴心煩。欲食冷物。胸悶洩熱。舌苔黃膩不燥。兩脈俱數。與小陷胸湯加柴胡。黃芩。不效。燒熱益甚。遂改用涼膈散大黃。元明粉各用三錢。服後得下兩次。並得戰汗。而熱全退。惟精神萎弱。懶於言動。復以黨參。麥冬。枸杞子。乾地黃。黃芪。炙甘草。等補養氣血之藥。兩劑而起居飲食如常矣。

鵬泰糖棧陳祝山。年約三旬。今年七月患伏暑病。延某醫診治。服藥四五日不效。壯熱頭疼。胸悶咽喉作燥。口渴舌絳苔薄焦燥無津。大便七八日不通。洩赤脈數。蓋暑熱蘊伏腸胃熱結之病。治法當先通大便。以解腸胃之

焚。乃以生大黃二錢。元明粉三錢。枳殼。黃芩。麥冬。天花粉。各二錢。甘草五分。此藥服後。得大便兩次。熱全退。頭痛亦輕。舌苔轉白膩。脈緩不數。小便仍紅。知饑欲食。乃易方以連翹。苡仁。佩蘭。花粉。沙參。貝母等以解餘邪。越兩日。又復發熱。口渴胸悶。是餘邪欲出也。以小陷胸湯。合小柴胡湯。去人參薑棗。加連翹。青蒿。接服兩劑。得汗而安。大凡應用硝黃之病。決非他藥所能代。若畏而不用。必致纏延誤事。但須辨認真切。用之有方。不可顛覆孟浪耳。

丁未夏月。予遊吳門。適該處霍亂流行。死亡接踵。有神仙廟旁紙店孀婦。亦染此病。吐瀉交作。醫投五苓散。玉樞丹。附子理中湯。左金丸等法。入口卽吐。已延三日。視其目陷形消。四肢逆冷。心煩不能安臥。口苦渴欲冷飲。舌紅根有膩苔。頭有微汗。兩脈皆數。重按無神。蓋暑病也。與黃連香薷飲。去厚朴。加苡仁。蠶沙。半夏。石斛。沙參。黃柏。枇杷葉。服後吐止神安。手足轉溫。二劑利減。能進粥湯。嗣以前方去黃柏。蠶沙。減輕川連。利止。惟心悸腰痠頭暈精神疲倦。不能起坐。兩脈細小。此病去而氣血虛也。以西洋參。白朮。石斛。山藥。杜仲。棗仁。茯神。當歸。甘草。紅棗等。調補三日而痊。

蘇州闔門外營盤場。有程姓少年。亦病霍亂。吐瀉不已。煩躁畏熱。身無寸縷。而猶畏熱異常。欲臥冷地。四肢悉冷。胸腹部亦均不熱。口渴欲食西瓜。小便短赤。頭項微汗。脚腓痠攣。脈息寸關俱數。舌苔黃燥無津。此暑熱內伏。熱深厥深。內真熱而外假寒之病也。乃以白虎湯。合黃連香薷飲。去厚朴。粳米。加麥冬。苡仁。石斛。陰陽水煎。一服吐止。再劑利亦止。而煩渴亦大定矣。惟肢體尙冷。囑以稀粥與飲。安睡一夜。體溫遂復常度。於是但以飲食調養。不勞他藥而瘳。

徐某年約三旬。秋間陡患腹痛吐利。發熱口渴。煩躁不安。舌苔黃膩。脈息滑數。蓋暑濕蘊伏中焦。腸胃中有宿滯也。與黃連香薷飲。合平胃散。一服吐利止。身熱退。接服一劑。知饑欲食矣。大凡黃連石膏之病。其舌苔必黃膩。或黃燥。其小便亦必紅赤。若小便清長。舌光無苔。則膏連二藥皆爲禁劑。蓋舌質之光否。可視胃臟之虛實也。

朱姓子八歲。秋間病霍亂。吐瀉。手足悉冷。口渴。欲飲水。目陷形消。不食不饑。舌苔黃膩。脈息小數。用薑汁炒川連三分。法半夏一錢。扁豆三錢。苡仁三錢。木香五分。北沙參二錢。服後吐瀉止。手足溫。舌苔亦退。能進稀粥。但口渴殊甚。遂改用麥冬。天花粉。各一錢五分。北沙參二錢。白朮一錢。苡仁。扁豆。各三錢。兩劑瘳。

張姓婦年四十餘。先於四月間病心忪怔忡。頭眩發熱。予以天王補心丹。加青蒿。地骨。等藥治愈矣。及至夏間。陡患腹痛上衝於心。嘔吐清水。下利紅白。痛甚則手足俱冷。汗出神疲。按其脈沉遲而小。望其色則面白唇淡。蓋陽虛中寒之病。始由乘涼飲冷所致。問之果連日臥竹牀乘涼。且稍食西瓜等物也。與附子理中湯。加吳茱萸。桂枝。白芍。砂仁。一服痛稍緩。兩劑痛始平。手足溫。遂以原方去附子。減輕薑萸。自是利止食進。復以歸芍六君子湯。調治數日而瘳。

詹雲溪先生幼子。甫生數月。夏間因服荷葉露。銀花露。過多。下利手冷。面色皸白。口吐涎沫。其家以爲難活矣。予用理中湯。加丁香。減小其劑。一服利止。而涎沫亦不吐矣。二服神氣充。手轉溫。復以五味異功散。培養胃氣而安。今已十歲。爲小學校之學生矣。

張星五大令紹棠桐城人。宰崑山時。其如君年四十餘。患血崩症。經醫治愈。自是遂不能寐。精神疲憊。飲食不多。延予治之。左脈細小。心脈尤弱。臍左有動氣勃勃。甚則上衝。心忪多汗。頸胸間營覺筋掣。蓋血舍空虛。筋無血養。而虛陽不能斂納也。乃與阿膠鷄子黃湯合三甲腹脈湯。加女貞子。枸杞子。棗仁。茯神。栢子仁等。接服五劑。諸症稍退。夜間亦稍能寐。遂接服五十五劑。病大退。飲食亦較多矣。嗣以原方加生地。熟地。製成膏劑。常服全瘳。

庚戌三月。葉姓婦臥病垂危。其子來邀予診。行色愴惶。口稱已經某醫診治數日。稱爲不治。並求速往。視之果神色大衰。時出冷汗。手冷額冷。面色萎黃。心忪頭暈。精神不支。脈息小弱。蓋陽氣大虛。亡陽在即之危候也。遂以四逆加人參湯。再加黃芪。白朮。棗仁。白芍。紅棗等。薑附各用一錢五分。參芪朮均用三錢。急煎與服。旋即汗止。

手溫神氣亦轉。能進米粥。原方去附子。稍輕其劑。接服三日全安。

朱姓婦因病小產。旋即手冷惡寒。自汗不止。胸悶不欲食。脈息戛滑而小。舌苔薄白。此產後陽虛。而兼有痰濕阻滯也。用黃芪建中湯。去飴糖。加橘皮。半夏。一劑汗收手暖。二劑全愈。

壬寅臘月。家慈因侍先外祖母病。乃經營喪葬事。悲勞過度。復冒風雪。遂患關節疼痛。不能起於牀。服千金獨活寄生湯數劑。痛止。亦稍稍能起坐矣。越兩日晨間。忽大汗淋漓。目直視。手冷。家人見之。惶駭不已。以爲不祥之徵也。家君入視後。取吉林人參半枝。紅棗約十數枚。急火煎服。纔下咽而神色即覺寧靖。汗亦漸收。復以理中湯。加黃芪。接服兩日而安。距今已十三年。未嘗患病。此亦予家得力於醫之一事也。

方兆珍君令媳。年二十餘。臥病經旬。服藥多劑。而煩躁譫語。卒不能平。延予治之。見躁擾不安。妄言罵詈。欲食冷物。手冷脈息沉弱。口雖渴而不能飲。唇雖焦而舌則潤澤。且舌色不紅。面色黃淡。身不發熱。予謂此虛寒病也。殆寒涼發散太過乎。檢閱前方。果皆苓連芩活枯薑海石之類。病家問既係寒病。何以煩躁欲食冷物。而譫語不能寐也。予應之曰。寒病有常有變。凡惡寒手冷。下利清穀。口中和。而不渴者。此其常也。若躁擾不安。欲臥冷地。欲食冷物。則其變也。何謂之變。以其寒病而反現熱象也。其所以現此熱象者。因陽氣虛寒。龍雷之火浮越於外。古人所謂陰勝格陽。又曰內真寒而外假熱之病也。治宜引火歸元。否則涼藥入口。則立斃矣。乃與四逆湯。乾薑。附子。各二錢。加肉桂八分。黨參。白朮。熟地。棗仁。茯神。各三錢。煎成冷服。果躁擾漸寧。接服一劑。能安睡矣。自是神安能食。不復罵詈。復以歸芍六君子湯。調補數日而痊。

王姓老婦。年約六旬。偶病感冒。醫者以發散藥與之。次日遂發狂奔走。欲脫去上下衣服。欲臥冷地。其子惶駭。延予診之。予視其面色黃淡。手足俱冷。脈息沉弱。是陽虛欲脫也。急以四逆湯。加黨參。熟地。肉桂。兩劑而安。嗣以人參養榮湯。調補數日乃痊。

壬子正月。利記糖棧駱達三君。患感冒病。頭痛惡寒。飲食無味。脈息小滑。予用葱豉湯。加荊芥。紫蘇。半夏。橘皮等。

証此藥服後。忽喘息不能臥。頭腦中覺熱氣上升。小腹左偏作痛。嘔吐痰水。畏寒手指厥冷。脈息沉弱。蓋陽虛受寒之病。得發散而陽氣益虛也。其頭腦中覺熱氣上升者。腦力素衰。寒氣逼龍雷之火上越也。其喘息不能臥者。肺腎兩虛。不能納氣也。其腹痛嘔吐痰水者。寒氣內擾。氣血不能通調也。其畏寒手指作冷者。虛寒病之本相也。乃與理中湯。合六君子湯。加肉桂。白芍。五味子。服後喘吐俱平。腹痛亦止。能進稀粥半碗。但仍覺畏寒手冷。益信爲陽虛矣。仍用前方。去茯苓。橘皮。加熟地。服後諸症悉退。病家自以爲病愈。遂不服藥。越數日復惡寒頭痛手冷。時或手足發熱。精神疲倦。不思飲食。舌苔少而色白。小便黃。脈仍沉小。乃以理中湯。合小建中湯。去飴糖。加半夏。服後諸症少退。但時覺虛火上升。則頭痛大作。手足亦覺發熱。而其身則殊不熱。遂師李東垣法。用潞黨參。白朮。各二錢。肉桂五分。升麻。柴胡。川芎。各一錢。炙甘草八分。茯苓三錢。半夏一錢五分。加生薑。紅棗。同煎。覆盂而頭痛止。手足亦不發熱。接服一劑而安。凡老年之病屬虛者多。非偏於陽虛。即偏於陰虛。而亦有陰陽兩虛者。醫家於此。尤宜加意焉。

盧谷山年近六旬。患泄瀉。由夏痢如先生介紹。數診。脈息小弱。兩手俱冷。精神疲倦。此脾胃氣虛。陽氣衰弱之病。乃用理中湯。加山藥。木香。接服兩劑。精神較好。能進飲食。原方加肉桂四分。枸杞子二錢。又服二劑。手稍轉溫。泄瀉已止。但頭眩殊甚。原方去薑桂。加熟地。接服三日。頭眩較減。而手仍冷。復於原方中加鹿角膠。黃芪。服兩劑後。精神殊覺爽健。惟手終不暖。蓋高年真火已衰。非旦夕所能奏功。乃囑購鹿茸半具。研末。每日服五釐。用高麗參三錢。煎湯和服。盧君遂託友在滬購辦參茸。如法服之。半月後返閩。今年春間。盧君復來鎮江。言鹿茸甚有效。現在精神甚好。而手亦轉溫。今擔任賴大有皮絲煙號經理云云。大凡積虛之病。皆須悠久成功。而尤必藉血肉有情之品。始易奏效。鹿性純陽。能補人身陽氣。茸生於首。兼能補腦。故有此特效也。

乙巳二月。季姓婦。效喘倚息不得臥。惡寒發熱。頭疼身痛。胸悶不舒。心痛徹背。脈沉而滑。舌苔白膩。此風寒痰飲。內外搏結。肺氣不得下降。而成肺脹也。乃用小青龍湯。合栝蒌薤白湯。麻黃。細辛。各四分。乾薑。五味子。各五分。

栝蘤、薤白、各三錢、甘草五分、餘藥各一錢五分、服後得汗、而寒熱喘息俱平、惟身痛、欬嗽未已、易方以桂枝湯、和營衛、加乾薑、五味子、各五分、細辛三分、以治欬、一劑效、因貧不復延診、遂漸愈、

吳某年十五歲、欬嗽音啞、自春徂秋、迄未能愈、欬而無痰、飲食能進、不熱不渴、脈如平人、與三拗湯、加乾薑、五味子、半夏、服三劑後、欬減、聲音如常、每次麻黃祇用三分、至第四劑則減至二分、後以六君子湯、調補三日而瘳、

劉某病延兩月、欬嗽吐痰甚臭、身熱口渴、手足心熱、舌紅無苔、右脈滑數、此肺臟伏熱、勢將成癰也、與黃芩、貝母、玉竹、蘤仁、桑葉、知母、枇杷葉等作煎劑、加梨汁和服、一劑熱輕、欬減、三劑全愈、

鮑姓子三歲、發熱數日、欬吐臭痰、大便完穀不化、捫其額熱、燦手、舌乾苔少、口渴脈數、乃肺臟受熱也、擬方用黃芩、馬兜鈴、地骨皮、知母、貝母、栝蘤、苡仁、桑葉、甘草、枇杷葉、一劑知、二劑已、


孫姓婦年四十餘、素有肺病、欬嗽、痰中帶血、頭暈心悸、徹夜不寐、精神疲憊、心內覺熱、飲食不多、脈息細弱、此平日勞神太過、血液衰耗、肺病日久、將成肺癆也、擬方用百合、棗仁、茯神、栝子仁、各三錢、沙參、麥冬、地黃、各二錢、阿膠、一錢五分、服後血止能寐、但汗多氣喘、原方去百合、加黃芪五分、枸杞子二錢、浮麥三錢、胡桃肉三錢、接服兩劑、汗收喘定、但尚有欬嗽而已、原方去黃芪、加地骨皮、貝母、枇杷葉、服三劑後、欬大減、精神亦健、能乘輿出門、遂改用集靈膏、令其常服而痊、

劉錫九君咳嗽多日、音啞、起居如常、體胖脈息緩滑、舌有膩苔、蓋痰飲病也、與二陳湯、加白芥子六分、白朮二錢、苡仁三錢、三服而瘳、

周珊甫君夫人、年逾五旬、素患肺病、欬嗽哮喘、痰聲如拽鋸、呼吸幾不能通、予視其體胖神強、兩手脈滑有神、蓋富裕之家、奉養太過、肥甘油膩、醞釀成痰、致肺氣管枝發炎也、擬方用杏仁泥、白前、桔梗、各一錢五分、薄荷五分、橘紅八分、貝母、苡仁、各三錢、茯苓二錢、甘草五分、枇杷葉一片、作煎劑、一服呼吸大暢、哮喘亦定、接服三劑全愈、

孫姓女。甫週歲。效嗽多日。初延西醫某治之。無大效。後延中醫某治之。亦無效。因來求診。予見其精神疲憊。面色淡白。舌紅無苔。滿舌俱破。有汗不熱。乃虛症也。用生脈散。加百合。元參。扁豆等作煎劑。初次僅用沙參。接服兩劑。效嗽大減。神氣亦佳。惟夜間汗多。原方加黃芪一錢。浮小麥三錢。改用黨參。又兩劑。效嗽亦減。舌破亦愈。其舌上亦并未用吹藥也。

龍耀南君夫人。效嗽多日。時發寒熱。舌光無苔。脈息濡緩。與生脈散。加青蒿。黃芩。苡仁。百合。貝母。枇杷葉。接服兩劑。寒熱退。效嗽亦減。惟目光不足。視物昏花。原方去青蒿。黃芩。苡仁。加乾地黃。女貞子。三劑而痊。



叢桂草堂醫案卷二

江都袁 焯桂生著

紹興裘慶元吉生校

癸丑冬月。裕大昌木行。伊君夫人。年二十六歲。懷孕三月。驟然腹痛下血。既痛且脹。痛甚則頭出冷汗。手冷鼻冷。胸悶嘔吐。前後陰皆阻脹不堪。左手脈伏不現。右脈弱小。面色淡黃白而無光采。舌色淡無苔。此氣血虛寒之象。始由勞力受寒使然。蓋中下焦陽氣不足。腹部受寒。則血脈流行阻滯而爲痛脹。胃臟受寒。則消化停阻而嘔吐。子宮之血管破裂則下血。左手脈伏者。血爲寒凝。營衛之功用失常度也。右脈弱小者。氣血虛寒之本相也。前後陰與腹部阻脹拒按者。血爲寒凝。陽氣不能運行也。額冷鼻冷手冷面色無神者。亦皆虛寒之本色也。其病始與傷寒直中陰經無異。特孕婦之病。又兼漏下。與常人異耳。問之。果因逃其伯父之殯。夜間操麻雀牌未眠。黎明乘輿登山。飽受風寒。歸家卽病。擬方以膠艾湯。合建中湯法。當歸。地黃。各四錢。川芎二錢。阿膠三錢。以止血安胎。肉桂八分。製附子一錢五分。桂枝二錢。炒白芍三錢。以回陽止痛。而散寒邪。砂仁一錢。木香一錢五分。以溫胃消滯。而通阻脹。黨參三錢。紅棗三枚。生薑三片。以扶元氣而和營衛。作煎劑服。明日復診。痛脹均大退。嘔吐亦止。能對予發言。亦能進粥。左脈亦現。面色亦較有生氣。但下血未止。心內常覺空虛。乃以原方去木香。砂仁。桂枝。川芎。并稍減桂附。改地黃爲熟地。而當歸亦減用二錢。加枸杞子三錢。茴香二錢。接服三劑。飲食起居。略如平人矣。一月後。始強健。而胎則杳然。蓋下血時已隨波而墮矣。

金平卿君哲嗣。年八歲。體質素瘦。今年三月出痧。痧後又生泡瘡。至六月初旬。又病喉痧。發熱咽痛。初由西醫蔣某治之。用冷水浸毛巾。覆頸項。又用水浴法。及服安知必林。與鹽剝水。漱口等法。均無效。病勢益劇。其岳家童姓薦予治。時六月十五日也。身熱咽喉兩旁上下皆潰爛腐穢。舌紅無苔。口渴。渡黃。脈息更數。蓋陰液大虧。熱

邪燔灼於上焦也。熱不難解。惟咽喉全部腐爛。而陰液虧耗。斷非實症可比。危險已極。幸神不昏。呼吸不促。不煩躁。尚可挽救。擬方以增液湯爲主。鮮生地一兩。麥門冬。元參。各三錢。加鮮石斛。金銀花。連翹。各三錢。黃芩一錢。天花粉二錢。知母一錢。甘草六分。作煎劑服。外吹錫類散。先用淡鹽湯漱喉。漱後吹藥。金君自以寒暑鍼置病人口中驗熱度。已有一百零五度之高。予謂寒暑鍼。雖能驗熱度之高下。然不能分虛實。萬不可泥以論病。若祇準寒暑鍼所驗之熱度。以定治法。則當用三黃白虎。然就脈象舌色而論。則不獨三黃白虎不可誤投。即西藥中之退熱劑。亦非所宜。否則危亡立見。噬臍無及矣。金君聽之。遂以予方煎服焉。

十六日復診。四肢不熱。身熱亦輕。舌色紅艷而光。毫無苔垢。大便通利。洩色黃濁。言語多。口不渴。徹夜不寐。喉爛如故。脈息虛數。原方去黃芩。花粉。知母。鮮生地。加西洋參一錢五分。棗仁。硃拌茯神各三錢。乾地黃五錢。用百合一枚。煎湯代水煎藥。

十七日復診。舌上紅色轉淡。夜間能睡一二時。謔語亦減。咽喉上部腐爛較退。惟下部及隔簾等處。仍然腐爛。精神疲憊。脈息虛細無神。是氣血大虛之候也。急宜培補。擬方以大補元煎合增液湯法。西洋參二錢。炒熟地炭三錢。乾地黃四錢。懷山藥三錢。硃染茯神四錢。麥門冬。元參。石斛。各二錢。人中黃四分。吹藥仍用錫類散。日吹數次。

十八日復診。夜寐甚安。謔語亦止。稍能進粥湯。喉爛減退大半。脈息仍細弱無神。仍用原方。熟地加至四錢。又加蓮子三錢。女貞子三錢。

十九日復診。喉爛全退。用毛筆蘸水拭之。腐物隨筆而出。全部皆現好肉。不比前數日之黏韌難拭矣。脈息亦較有神。而現滑象。舌色仍淡無苔。小便利。能進薄粥。仍用原方。熟地減用三錢。去石斛。加扁豆三錢。二十日復診。飲食較多。乃以原方減輕其劑。接服兩日。眠食俱安。但忽又發熱。或輕或重。而熱之時間又不一致。金君復以寒暑鍼驗之。仍在一百零五度。及零三四度之間。甚以爲憂。予曰。無恐也。此氣血未能復原。營衛未能調和。

而邪熱之內伏者。仍不免有餘蘊耳。且現在喉爛全愈。眠食俱安。種種生機。與七日以前之危險現狀。相去不啻天淵。乃以前方去熱地。酌加青蒿。佩蘭。苡仁。地骨皮等藥。接服兩劑。遍身發出白瘡。如水晶。如粟米。而熱遂退。飲食亦漸多。但仍不能起牀行立。囑以飲食培養。如鷄鴨湯粥飯之類。儘量食之。自是遂不服藥。越數日。爲其祖母診病。此兒猶未能起牀。但飲食甚多。每日夜須食六七餐。至半月後。始稍能行動。一月後。始能出臥室。可以想見其病之危。體之虛矣。當其未能出臥室之時。亦間有發熱便秘。面目浮腫諸現狀。皆未以藥治之。蓋此爲病後應有之現象。一俟氣血精神恢復原狀。則自痊矣。此病得痊。固由病家始終堅信。旁無掣肘之人。而夏君子兩贊助之力。亦足多焉。予用熱地時。病家不敢服。慮其補也。賴夏君爲之解說。蓋夏與金固舊交。而亦精於醫者也。

金平卿君令堂。年逾五旬。體素胖。今年六月。疽發背。先由西醫劉某醫治多日。潰爛甚深。而不能生長肌肉。遍身發生小癰。形如豆大。其痛異常。手臂動搖。腿亦顫動。不能起坐。徹夜不寐。西醫見之。卻走。稱爲不治之症。并斷其死期。不能出一星期之外。金君聞之大恐。適予爲其公子治喉症。乃邀以診治。并云。聊盡人子之職分而已。其意蓋深。以病勢之危。恐終不能起耳。予診其脈。洪大不柔。左手寸部。尤覺大硬。舌光赤無苔。亦無津液。蓋高年陰液大虧。孤陽獨熾。外症出膿後。津血益傷。加以西醫治法。祇知消毒防腐。而不知培養氣血爲根本之圖。宜乎愈治愈壞。變症百出也。其時亦有夏君子兩同診。遂共商治法。用復脈湯。去桂枝。薑酒。加棗仁。茯神。黃芪。熟地。枸杞子。雞子黃等藥。加重其劑。黃芪。熟地。乾地黃。黨參。棗仁。茯神等。均用五錢。餘藥亦均用三四錢。雞子黃一枚。生冲和服。接服三劑。夜間稍稍能睡。背部患處亦稍見新肉。而脈息亦較斂矣。接服至十劑。患處新肉日見增高。遍身小癰亦均出膿而消。舌色亦淡。飲食亦稍能進。手臂兩腿亦均不動搖矣。惟精神疲弱。時欲睡眠。脈息轉虛滑。仍以原方減輕其劑。又服十劑。患處肌肉漸平。而腰以下又發一癰。出膿碗許。仍以前方培養氣血。越數日。病人忽不能安寐。自欲奔走。幾類發狂。舌仍光赤。蓋膿出後。陰液復虧。虛火復熾也。乃以原方去

參芪重用乾地黃。栢子仁。棗仁。麥冬。加蓮子心。兩劑而安。復以培補氣血之藥。服至一月始瘥。

牛瑞堂先生令媳。筱川兄夫人。今年二月患喉痧症。服藥不效。筱川邀予診。痧出鮮紅。咽喉右邊破爛。色紅而兼有白腐。并不大腫。舌前半紅赤。無苔。顴紅脣紅。作噤。湯水不能下咽。脈數身熱。此陰液素虧。感受溫熱爲病。先宜養陰清熱解毒。擬方用細生地。麥冬。金銀花。紫花地丁。連翹。各三錢。貝母。知母。各二錢。甘草五分。橄欖三枚。作煎劑。外吹錫類散。明日上午九時復診。述昨藥服後。夜間能安睡兩小時。熱減噤定。能進茶湯。仍用原方。下午十時復診。諸恙無大進退。惟舌光紅無津。片刻不飲茶。則燥硬不柔。身微熱。不能寐。蓋日間親戚問病者多。言語勞神。以陰虧之病。驟然勞神。則津液益虧。腦力益衰。而虛火亦益熾。此所以舌本燥硬。而光赤無津。不能寐也。非大劑養液安神之法。斷難有濟。幸筱川父子見信。乃以大劑增液湯爲主。乾地黃五錢。麥冬。元參。各三錢。加鮮石斛三錢。硃拌茯神。棗仁。各四錢。百合三錢。甘草五分。蓮子心四分。予坐俟煎藥。且監視其煎藥之法。第三日復診。諸恙悉減。喉爛亦退。惟精神疲弱。夜間不能多寐。仍以原方。減輕其劑。并加茅根。沙參。地骨皮等藥。接服兩劑。喉爛全平。身熱亦退。痧亦脫皮。但不思飲食。舌淡無苔。脈息微小。而兼有滑象。蓋津液雖復。胃氣尙虛。乃以四君子湯。加乾地黃。炒熟地炭。生穀芽。炒扁豆。蓮肉等藥。調補數日而痊。

劉子衡君令堂。年六十三歲。今年夏間。因孫兒病逝。悲哭太過。遂患喉症。延予治之。予視其髮白如霜。舌紅如硃。中間略有薄苔。咽喉兩旁滿布白腐。以毛筆蘸水拭之。則依然鮮紅之好肉。並不潰爛。煩躁不寧。徹夜不寐。脈息虛栗。蓋勞神太過。虛火上升。心腎不能相交。水火不能既濟之病也。而况守節四十年。持齋二十載。其精血之衰。腦力之耗。爲何如耶。乃與增液湯。乾地黃五錢。麥冬。元參。各三錢。加西洋參二錢。鮮石斛。棗仁。硃拌茯神。百合。各三錢。一服煩躁定。能安睡。接服四劑全愈。

張文卿君夫人。年三十歲。今年五月初十日來診。咽喉兩旁腫塞。湯水不能下咽。雖口津亦不能嚥。脹塞非常。口有穢氣。兩旁既腫塞。而其下復潰爛。身熱口渴。舌苔白膩。脈息滑數有力。蓋溫毒痰熱。蓄積上焦。汚血壅阻。而

成喉癰。治不得法。致腫勢日盛。將成喉閉而死矣。救急之法。當先放血以開其閉。否則牙關拘急。口不能張。呼吸閉塞。神丹莫救矣。乃以刀刺喉內腫處。出紫黑血塊甚多。蓋皆毒血也。隨以蓬萊雪吹之。并以金銀花。紫花地丁。黃芩。貝母。桔蘖。金果欖。各三錢。鮮生地八錢。乾生地四錢。川連八分。橘皮一錢。作煎劑。加梨汁一酒鍾和服。下午復診。喉內見黏有稠膿。乃以毛筆蘸水洗滌。洗出稠膿甚多。喉腫覺鬆。復於兩臂典池穴。鍼刺出血。以分毒血上行之勢。仍以原方。再進一劑。明日大雨傾盆。未及來診。第三日來復診。則熱全退。喉腫大消。能進薄粥兩碗。舌苔亦退。又得大便。脈息亦轉更滑矣。易方以金銀花。貝母。花粉。苡苳。各三錢。佩蘭一錢。元參。麥冬。各二錢。乾生地三錢。接服兩劑全愈。凡喉癰腫勢過甚者。皆由汚血爲患。急宜刀刺放血。萬萬不可姑息也。朱姓婦年五十一歲。素有腦病。發則卒然昏倒。口噤不語。惟心內尙覺瞭然。移時始甦。其家本住鹽城。因其子在此經商。遂常往來。壬子九月。其媳分娩。三朝日。賓客盈庭。稍形勞碌。始覺頭暈口燥。旋即昏倒。口噤不能言語。兩手指痙攣。口眼歪斜。至次日清晨。仍未甦醒。其戚李某延予治之。已全不省人事。面色晦慘。幾類死人。身不發熱。手指微涼。脈息小數。因其手指痙攣不柔。診脈殊多困難。以筋啟齒視舌。則光而微現白色薄苔。蓋血液虧耗。腦力素衰。復因勞役動火。因而發爲痙厥也。乃以增液湯。加鈴羊角。貝母。石菖蒲。西洋參。白芍。花粉。橘皮。爲煎劑。並以至寶丹一粒。研碎和入。徐徐灌之。午後七時復診。則藥已灌下多時。而病人亦稍能言語。口亦能張。視其舌色。則紅赤而光。微有白苔數點。面色亦轉活潤。但手指尚痙攣如故。大便溏瀉。脈息與前無異。口乾欲飲茶。是藥已大見功效。乃於前方去至寶丹。石菖蒲。鈴羊角。加枸杞子。竹茹。棗仁。栢子仁。接服三日。痙攣全止。能飲食起坐矣。今年六月。來予醫院診病。則貌頗豐潤。精力亦佳。予幾不相識矣。

城內磨刀巷李雪門君。年四十餘。呃逆不止。呃聲震床帳。先是李君病。經某醫屢用汗藥。微有呃逆。嗣又改延某醫診治。斷爲濕溫病。用大承氣湯。云非下則呃不能止。病家信之。詎知承氣湯服後。不惟呃逆加甚。且不能坐。不能言矣。予視其舌質焦燥無津。按其脈尙有胃氣。捫其身則不發熱。遂勉強擔任。用北沙參。麥冬。玉竹。石斛。

乾地黃各三錢。貝母一錢五分。甘草一錢。蓮肉十粒。作煎劑。非專爲治呃也。不過以其津枯氣弱。命在垂危。姑以此藥救其津液耳。不料此藥服後。安睡兩小時。呃聲頓止。特醒後則呃又作。予因戒其家人。今日之藥。服後宜任其熟睡。不可頻頻呼喚。擾其元神。俟其自醒。則自然不呃矣。第三日復診。果如予言。呃全止。且能進粥矣。惟神氣呆滯。狀若癡愚。其家甚以爲憂。且恐予藥之誤。予曰。無恐也。再過半月。卽不癡矣。因以六君子湯。養胃湯出入。培養胃氣。接服數日而起。據近世生理學家。謂呃逆由於橫膈膜之痙攣。麥冬。地黃。爲補液制痙之聖藥。故能止呃。特未見前人發明及此。而西醫之治呃。又僅有嗎啡麻醉之一法。然則李君之病。於醫學界乃有絕大之關繫也。此病治愈。次年六月。有王某者。亦病呃。先是王在南京與人涉訟。被拘多日。遂病回鎮江。予見其呃逆連聲。言語阻礙。詢其病狀。則胸悶不舒。不饑不食。舌苔白膩。脈息沉小。蓋鬱抑過甚。痰水停結於胸膈間。而不能消化也。乃與厚朴半夏湯。加柴胡。黃芩。香櫞皮。佛手。沉香。接服兩劑。胸悶鬆。能飲食。惟呃逆如故。其苦異常。因思李善門之事。用麥冬三錢。乾地黃四錢。少佐木香。香櫞。半夏。生薑。紅棗等。服後酣睡兩小時。而呃不作矣。翌日來復診。病人感謝。至於泣下。然則此二藥者。殆真有止呃之特效乎。特疲滯壅阻。人實證實之呃。則當先豁其痰。未可驟用此藥也。

丁未七月。予由蘇旋里。道出京口。適童道生君病瘧甚重。醫治未效。因偕家兄往候之。見其汗出淋漓。身熱口渴。神氣疲憊。因問病起幾日。何以如此困頓。曰。瘧發已五日。每至下午八時始發。但熱不寒。熱甚則汗出。甚至濕透衣衾。至天明始退。心煩口渴。不能安寐。因診其脈。兩手皆細數。按之極虛。澀赤而熱。舌燥無津。并無苔垢。閱前服方。則清脾飲二陳湯等法。蓋暑病而得草果檳榔等。辛溫剋削之品。耗損陰津。而助邪熱。熱甚則迫液外洩。故有大汗淋漓。煩躁不寐之現狀也。急宜甘涼滋潤。退熱存津。庶幾有瘳。乃與西洋參。百合。地骨皮。白芍。知母。各三錢。川連五分。鼈甲五錢。元參三錢。甘草一錢。浮麥。紅棗。同煎。覆盃而愈。

吳德和年四十餘。病瘧。每發但惡寒戰慄。頭疼身重。骨節痠疼。毫不發熱。胸悶無汗。舌苔白膩。口和不渴。按其脈